

## Tabell B-k

### Inntektsgarantiordninga for kommunane 2022

Inntektsgarantiordninga (INGAR) skal sikre at ingen kommunar har ein berekna vekst i rammetilskotet frå eit år til det neste som er meir enn 400 kroner per innbyggjar lågare enn berekna vekst på landsbasis, før finansieringa av sjølve ordninga. Ordninga blir finansiert med eit likt trekk per innbyggjar frå alle kommunar.

Inntektsgarantiordninga ser på den totale endringa i rammetilskotet. Kommunar med låg vekst i rammetilskotet vil med INGAR få kompensasjon uavhengig av om den låge veksten skuldast innlemming av øyremerkte tilskot, systemendringar, nedgang i folketalet, endringar i regionalpolitiske tilskot, endringar i kriteriedata eller andre forhold.

Endringar i inntektene som følgje av endra skatteutjamning eller skatteinnfang blir ikkje kompenserte gjennom inntektsgarantiordninga. Endringar i skjønstilskotet, veksttilskotet, regionsentertilskotet eller saker med særskild fordeling (tabell C-k) blir heller ikkje kompenserte gjennom INGAR, sidan dette er tilskot som blir gjeve til særskilde føremål eller i ein tidsavgrensa periode.

Kommunar som slår seg saman får kompensasjon for reduksjonen i rammetilskotet som følgje av samanslåinga. Kompensasjonen gjeld bortfall av basistilskot og netto nedgang i distriktstilskot som følgje av samanslåing. Kompensasjonen blir i sin heilskap gjeve gjennom inndelingstilskotet og vil òg inngå i grunnlaget for berekninga av inntektsgarantiordninga i inntektssystemet. Kommunar som slår seg saman får dimed ikkje kompensasjon både gjennom inndelingstilskotet og INGAR. Kommunar får heller ikkje kompensasjon gjennom INGAR for endringar i innbyggjartilskotet som følgje av grenseendringar.

Inntektsgarantiordninga for 2022 blir berekna med utgangspunkt i rammetilskotet til kommunane etter revidert nasjonalbudsjett 2021. Dette rammetilskotet blir korrigert for skjønstilskot, veksttilskot og regionsentertilskot i 2021, og saker med særskild fordeling i 2021 med unntak av inndelingstilskotet. Saker med særskild fordeling er viste i tabell C-k i Grønt hefte for 2021. Rammetilskotet i 2021 er også korrigert for koronatiltak i 2021. Rammetilskotet i 2021 er vidare korrigert for den inngåande fordelinga av øyremerkte tilskot som blir innlemma i rammetilskotet og midlar som blir flytta frå tabell C til fordeling etter kostnadsnøkkelen, og andre korreksjonar i rammetilskotet i 2022.

Rammetilskotet til kommunane i 2022 blir korrigert tilsvarende for skjønstilskot, veksttilskot og regionsentertilskot i 2022, og saker med særskild fordeling i 2022, med unntak av inndelingstilskotet. Deretter blir den korrigerste veksten frå 2021 til 2022 berekna, på landsbasis og for kvar einskild kommune.

Den korrigerste veksten på landsbasis frå 2021 til 2022 er på 1 028 kroner per innbyggjar. Dersom ein kommune har ein korrigert vekst i rammetilskotet som er lågare enn 628 kroner per innbyggjar, får kommunen tilskot gjennom inntektsgarantiordninga tilsvarende differansen mellom eigen vekst i rammetilskotet og

ein vekst på 628 kroner per innbyggjar. Alle kommunar er med og finansierer INGAR gjennom eit trekk i innbyggjartilskotet. I 2022 utgjer finansieringa 48 kroner per innbyggjar. INGAR blir berekna på grunnlag av innbyggjartal per 1. juli 2021.

### **Kolonne 1 – Rammetilskot 2021**

Kolonne 1 viser rammetilskot til kommunane etter revidert nasjonalbudsjett 2021, eksklusive ufordelte skjønsmidlar. Kolonnen inkluderer ekstraordinære løyvingar til koronatiltak over post 60 *Innbyggjartilskot*, men ikkje koronatiltak over post 64 *Skjønstilskot*. Dette inneber mellom anna at midlar til vaksinasjon, smittevernstiltak og kompensasjon gjennom innbyggjartilskotet (post 60) er inkludert, medan tilleggsløyvingar til å vareta kommunevise variasjonar i utgifter knytte til smittevern og oppfølging av TISK-strategien og som inngår i skjønsmidlane (post 64) er haldne utanfor.

### **Kolonne 2 – Skjønstilskot 2021**

Kolonne 2 viser skjønsmidlar fordelte av statsforvaltaren. Kolonnen inneheld ikkje ufordelte skjønsmidlar, skjønsmidlar til koronatiltak o.a. Skjønstilskot inngår ikkje i berekninga av inntektsgarantiordninga og må trekkjast ut av rammetilskotet for 2021 i berekninga av ordninga.

### **Kolonne 3 – Saker med særskild fordeling 2021**

Kolonne 3 viser fordelinga av ti einiskilde saker med særskild fordeling i 2021. Kolonnen inkluderer også midlar til koronatiltak på post 60 *Innbyggjartilskot*, men ikkje koronatiltak over post 64 *Skjønstilskot*. Fordelinga i kolonnen er ytterlegare omtalt i tabell C-k i Grønt hefte 2021 og i rundskriwa etter statsbudsjettet og revidert nasjonalbudsjett for 2021, H-1/21 og H-3/21 frå Kommunal- og moderniseringsdepartementet. Saker med særskild fordeling og ekstraordinære løyvingar til koronatiltak over post 60 *Innbyggjartilskot* inngår ikkje i berekninga av inntektsgarantiordninga og må trekkjast ut av rammetilskotet for 2022 i berekninga av ordninga.

### **Kolonne 4 – Veksttilskot 2021**

Kolonne 4 viser veksttilskotet i 2021. Tilskotet er dokumentert i tabell D-k i Grønt hefte 2021. Veksttilskotet inngår ikkje i berekninga av inntektsgarantiordninga og må trekkjast ut av rammetilskotet for 2021 i berekninga av ordninga.

### **Kolonne 5 – Regionsentertilskot 2021**

Kolonne 4 viser regionsentertilskotet i 2021. Tilskotet er dokumentert i tabell 1-k i Grønt hefte 2021. Regionsentertilskotet inngår ikkje i inntektsgarantiordninga og må korrigerast ut av rammetilskotet for 2021 før utrekninga av ordninga.

### **Kolonne 6 – Inndelingstilskot 2021**

Kolonne 6 viser inndelingstilskotet i 2021. Tilskotet er ein av sakene med særskild fordeling (kolonne 3)- som blir halden utanfor berekninga av inntektsgarantiordninga. Men inndelingstilskotet skal inngå i grunnlaget for ordninga, og blir difor lagt til i berekninga av inntektsgarantiordninga etter at saker med særskild fordeling er trekte frå.

### **Kolonne 7 – Inngående fordeling 2022, stillingar til barnevern**

Kolonne 7 viser anslag på fordelinga i 2021 av øyremerkte tilskot som blir innlemma i rammetilskotet i 2022. For øyremerkte tilskot som blir innlemma i rammetilskotet i 2022 blir rammetilskotet for 2021 korrigert for fordelinga av dei øyremerkte tilskota i 2021. Dimed vil endringar i fordelinga til den einskilde kommune ved ei innlemming inngå i grunnlaget for inntektsgarantiordninga.

Det øyremerka tilskot til stillingar i det kommunale barnevernet er innlemma i 2022. Den inngående fordelinga baserer seg på fordelingar for 2019 som truleg gjer ei god tilnærming til fordelinga i 2021. For kommunar i interkommunale samarbeid er stillingane fordelte etter innbyggjartal i kommunane innanfor samarbeidet

### **Kolonne 8 – Inngående fordeling 2022, lærartettleik**

Midlane som blei fordelt særskilt til auka lærartettleik i 2021 blir fordelte etter ordinære kriterium i 2022. Dimed vil endringar i fordelinga til den einskilde kommune inngå i grunnlaget for inntektsgarantiordninga. Den særskilte fordelinga i 2021 er vist i kolonne 8. Midlane til auka lærartettleik er handsama på same måte som stillingar til barnevern i kolonne7.

### **Kolonne 9 – Sum korreksjonar utan inngående fordeling**

Kolonne 9 viser summen av korreksjonane i rammetilskotet i 2022 som det blir korrigert for i berekninga av inntektsgarantiordninga for 2022. Korreksjonane er fordelte etter kostnadsnøkkelen. Korreksjonar for tabell C-saker og skjønstilskotet er ikkje inkluderte i tabellen.

Tabellen under gjev ei oversikt over dei ulike sakene det blir korrigert for i 2022. Legg merke til at beløpa i tabellen under er i 2021-kroner. Sjå Prop. 1 S (2021–2022) frå Kommunal- og moderniseringsdepartementet for ein nærare omtale av sakene rammetilskotet er korrigert for.

<b>Korreksjonar i 2022 (beløp i 2021-kroner)</b>	<b>(1 000 kr)</b>
Inntektsgradert foreldrebetaling SFO	35 000
Nominell vidareføring av kapitaltilskot i barnehagane 2021	-259 200
Basistilskot til fastlegar – heilårseffekt av endring i 2021	75 244
Basistilskot til faslegar – auke i 2022	49 756
Økonomisk tilsyn med private barnehagar	-4 878
Forvaltning og drift av nasjonale e-helseløysingar	314 341
Barnevernsreforma, kostnadsnøkkelen	749 360
Statlege og private skular, endring i talet på elevar	-114 870
Differensiert arbeidsgjevaravgift	-2 534
Ressurskrevjande tenester, tilleggskompensasjon	-53 659
Redusert pensjonstilskot, private barnehagar	-201 820
Dagsats tiltakspengar	67 317
Implementering av rusreforma	97 561
Barnekoordinator	97 561
Ekstra skuletime i naturfag i grunnskulen	97 366
Kompetansekrav i statleg og kommunalt barnevern	51 220
Tolkeloven	20 170
Universell utforming IKT	33 171
<b>Sum korreksjonar, fordelt etter kostnadsnøkkelen</b>	<b>1 051 106</b>

### **Kolonne 10 – Korreksjon inndelingstilskot**

Bodø, Vindafjord og Aure kommunar har fått inndelingstilskot i meir enn 15 år, og tilskotet skal trappast ned i 2022. Dette skal ikkje påverke inntektsgarantiordninga i 2022, og rammetilskotet til desse kommunane kommune blir korrigerert for endringa i inndelingstilskot frå 2021 til 2022.

### **Kolonne 11 – Korreksjon for grenseendringar**

For at grenseendringar ikkje skal påverke inntektsgarantiordninga blir det korrigerert for innbyggjartilskot 2021 knytt til innbyggjarar som inngår i grenseendringane. Korreksjonen for kommunar med grenseendringar er lik tal på innbyggjarar som inngår i grenseendringa, multiplisert med gjennomsnittleg innbyggjartilskot i 2021.

I 2021 var innbyggjartilskotet før omfordeling 24 761 kroner per innbyggjar. Det er nytta innbyggjartal per 1.1.2021.

### **Kolonne 12 – Korrigerert rammetilskot 2021**

Kolonne 12 viser korrigerert rammetilskot for 2021. Kolonnen er lik kolonne 1 minus kolonnane 2–5, pluss kolonnane 6–11. Kolonnen er grunnlaget for berekning av absolutt korrigerert vekst frå 2021 til 2022.

### **Kolonne 13 – Rammetilskot 2022 (før INGAR)**

Kolonne 13 viser rammetilskot til kommunane i 2022, eksklusive ufordelte skjønsmidlar, før utrekning av inntektsgarantiordninga (jf. sum av tabell 1-k, kol. 2–7 og tabell 2-k, kol. 4).

### **Kolonne 14 – Skjønstilskot 2022**

Kolonne 14 viser skjønsmidlar fordelt av statsforvaltaren (jf. tabell 1-k, kol. 7). Kolonnen inneheld ikkje ufordelte skjønsmidlar o.a. Skjønstilskot inngår ikkje i utrekninga av inntektsgarantiordninga og må trekkjast ut av rammetilskotet for 2022 i berekninga av INGAR.

### **Kolonne 15 – Saker med særskild fordeling 2022**

Kolonne 15 viser fordelinga av saker med særskild fordeling. Saker som ligg i tabell C-k skal ikkje inngå i utrekninga av inntektsgarantiordninga, og rammetilskotet for 2022 må korrigerast for dette. Fordelinga i kolonne 15 er dokumentert i tabell C-k.

### **Kolonne 16 – Veksttilskot 2022**

Kolonne 16 viser veksttilskotet i 2022 (jf. tabell 1-k, kol. 5). Veksttilskotet inngår ikkje i inntektsgarantiordninga og må korrigerast ut av rammetilskotet for 2022 før utrekninga av ordninga.

### **Kolonne 17 – Regionsentertilskot 2022**

Kolonne 17 viser regionsentertilskotet i 2022. Tilskotet er dokumentert i tabell 1-k. Regionsentertilskotet inngår ikkje i inntektsgarantiordninga og må korrigerast ut av rammetilskotet for 2022 før utrekninga av ordninga.

### **Kolonne 18 – Inndelingstilskot 2022**

Kolonne 18 viser inndelingstilskotet i 2022. Tilskotet er ein av sakene med særskild fordeling (kolonne 15), som blir halden utanfor utrekninga av inntektsgarantiordninga. Men inndelingstilskotet skal inngå i grunnlaget for ordninga, og blir difor lagt til i berekninga av inntektsgarantiordninga, etter at saker med særskild fordeling er trekte frå.

### **Kolonne 19 – Korrigert rammetilskot 2022**

Kolonne 19 viser rammetilskotet til kommunane i 2022, korrigert for skjønstilskot, veksttilskot og regionsentertilskot i 2022, og saker med særskild fordeling i 2022 med unntak av inndelingstilskotet. Kolonnen er lik kolonne 13 minus kolonnane 14–17, pluss kolonne 18.

### **Kolonne 20 – Absolutt korrigert vekst 2021–2022 (i 1 000 kr)**

Kolonne 20 viser absolutt korrigert vekst i rammetilskotet til kommunane frå 2021 til 2022. Veksten er vist i 1 000 kroner. Kolonnen er lik kolonne 19 minus kolonne 12.

### **Kolonne 21 – Absolutt korrigert vekst 2021–2022 (kr per innb.)**

Kolonne 21 viser absolutt korrigert vekst i rammetilskotet til kommunane frå 2021 til 2022. Veksten er vist i kroner per innbyggjar, og er berekna med utgangspunkt i innbyggjartal per 1. juli 2021. Gjennomsnittleg vekst på landsbasis er 1 028 kroner per innbyggjar. Det gjev ei vekstgrense for å få tilskot gjennom inntektsgarantiordninga i 2022 på 628 kroner per innbyggjar ( $1028 - 400 = 628$ ).

### **Kolonne 22 – Inntektsgarantiordning før finansiering (kr per innb.)**

Kolonne 22 viser inntektsgarantiordninga for 2022 i kroner per innbyggjar, før finansiering av sjølve ordninga. Kommunar som har ein vekst i rammetilskotet

(absolutt korrigert vekst) som er lågare enn 628 kroner per innbyggjar blir kompensert opp til denne vekstgrensa.

### **Kolonne 23 – Inntektsgarantiordning 2022 (kr per innb.)**

Kolonne 23 viser nettoeffekten av inntektsgarantiordninga i kroner per innbyggjar, altså INGAR inkludert finansiering. Sidan INGAR er ei omfordelingsordning, er alle kommunane med på å finansiere ordninga med eit likt beløp per innbyggjar. I 2022 er finansieringa 48 kroner per innbyggjar.

### **Kolonne 24 – Inntektsgarantiordning 2021 (i 1000 kr)**

Kolonne 24 viser inntektsgarantiordninga i 2022 i 1 000 kroner. Kolonnen er lik kolonne 23 multiplisert med innbyggjartal per 1. juli 2021 (sjå tabell F-k, kolonne 2). Talet på inntektsgarantiordninga blir nytta vidare i tabell 2-k, kolonne 5.